

Нока ям' сюртевы

Ты" саполана иры, 17 яляхад саць ненадо серм, минре пяць. Чукотка, няд няръяна лабакм, ядэлана, нэдалэйдаць. Теда, «Арктическая эстафета Победы» нюбета акциямдо, маледо, Сие ниць иры, 16 яляхана Победа, лабакм, Салянгардан, тэврадонзь.

Округна" наркамарт' тэвавандо' нерцю' Нядэй я' няю' тэворнаць. Пуна Саля' явм' мада" махадандо' Новой Порт хардан' нултангаць. Таняна «Хаерако соя" ма», Ты пэрти" сянакова' ялям' нэмбавы", тецьда я' мядм' манэ" мы". Таддикахавахад пэвсюмя' няна тамна' тяха' нэдалавыд". Миндо'

ни' Сюнай-Саля еребермы. Нюдяко хардакон' нани' хэсь таславэдо'. Ненэцянгав" сиддо' хэрабтаванданэ пэрмыць. Мария Салиндер тарем' ваде" надась:

– Интернет' мутравна падна пэйдаць. Ма"нисям', хибя харва мертёвна клубан' тода". Маня" малмбой" нэдалёрта" нина" манэ"ман' харвэйнаць. Мякы" манзаина" хаехэя паромбари' ма"лываць.

Пинэ хэварида хаёвы. Пин[,] тарпавы нока нэвы, пыдо[,] мал[,] ёльце маймбавы[,]. Проектм[,] минренанэ табедавы, эстафетам[,] тидхалембада Сергей Зуев лаханавысь:

– Хонёва[,] ёльцянэ хаясь. Надьбята хибяхартм[,] тованданэ

ниваць тоса". Харад' малан' тэвотавана" мальнгана сидна" натена ненэцие манэ" наваць. Маймбиць, саць тарана серм' минревава" мал" хамедамбидо. Ханярина иринато' сайнор"ми, манзара"нидо' нидо' юрыбю", невхы саю" мардамба"ми по тенейло'

Хардандо[,] нарктанэ тарана Евгений Иванович Хороля нани[,] вадамда мэ[,]мысь:

— Ненадо серкад нива" варка". Нацекына" няби нармы" ненэциена" нобт ма"лёва ихина нули" сава. Сидндет ю" по" тяхана яна" тер" Победам нобнзер" нэкалпидонзь. Хибя ханзер" пир"нада тарем нядангусь. Та-

мальнгана намгэри" нюдяко" хардахат сайнорманзь хан"наць, хусувэй мякад хэвы танясь.

Сюнай-Саля[,] пуд Яр-Салян[,] тэвыдаць. Тэхэ"на нэдалёда", буранатна", тэри ядна" ядэлава мюмня Победа ненадумда"мам мине ханаць. Надымской район терхад няръяна лабакм ява" лэтрамбавэнэ таравы Анатолий Сэротэтто ня"мадась. Пуна мемориал хэвхана Ямальской район нэвахана мэна ерван ми"надась. Андрей Кугаевский музейхана лэтрамба табедадась.

(Пеляда 4 стр. на)

Анна Яптик, падвы

Хэбидя пом' мэ" нава"

Ямал' нардавна тодо" хардаха"на иленанэ тадри' ты ниць иры хасава юдимдей яля Нарка Победа ялям ядабтамбангува". Тикы няю ханяны марад помна янга падтавы автобус" нэдалёрна". Падта" мидо 1941-1945 по" нямна, тамальнгы сайнорма нямна на". Тарем сидна" лэтравы иринана тензебтембива".

Пили" нерденанэ Салехардахана иленанэ тарця" автобус манэ" наваць. Яра иры

12 яляхад харад' помна нармы" ненэця" мякдато' манзаяхато', нацекы" школахато' нэдалёрна".

Тандая' тамна Тарко-Сале' няд сава юнм' намдаваць. Таняна нобтикы мале сян Победа' нямна падтавы автобус" нэдалёрць пэнгуд". Хардандо' ерв' вадавна, падта"мито' нолепя" сава", сарё' сэвхад, хаеркад ни" ха"мангу", пыв" мер' нидо' намд". «Родина-мать зовёт!» нюбета Победа' яля' ненадумда"масавэй" нэнгу".

Нядаңгардахана няхар" автобус ты ниць ирыхыд нэдалёрта". Ноябрьскхана яңга экскурсионной автобус" ненэцие ядэла". Пихид сырап", нули" паской". Тарем хибяри нэдалёванда сер' невхы" иле"ми тола, намда пирта. Тикы е"эмня автобус мюня падта"ма" ныды". Тамна тяхасовна инзелеван харвана" «QR-код» сер' толанго, видео манэць пирна".

Галина Окотэтто, падвы

Пэндъя" манзая нензел" ни на"



Илева, амбан, тэхэ, на мэнина" нарка хардахат ныхы я"амна мюсерпато' пэмы" наврадо сусангасеты. Сидя я понгана няд "мадандо пэндъя" тарасеты". Таняд таранадамдо, тэмдабасеты". Ханяны" факториянэ ваде"ядо". Тикына" няръяна" луци" мальнгана надимы". Ненэсянда сава няд"манэ мэ"эйдо".

Нахакуй похона фактория, серо законм' няд"мяць нерня' минре пяйдонзь. Пудана" по" сер' ханяны" ватодо' янгамда серо"на". Хэвы си"ив яляхана тасалковам, мэ, наць. Законодательной Собрания депутат, нэрм тер" серо, ты пэрма' нямна серо минрена комитетандо, нэвахана мэна Эдуард Хабэчевич Яунгад тидхалембидась. Приуральской районхана ма"люрнаць. Пыда тарем, лаханась:

-Тюку серм, тасламба пявана" нерня мале нока округна" тингывна нэда фактория, нямна нэдалёрнадамзь. Ханзер" манзаравамдо, навэ таня, тэврамбавамдо манэ наваць, таняна манзарани лаханако ня цетыва». Пуна нобт ма лё

таславаць. Нобкана намгэ таравам', намгэм' тидхалевам' таслаб"на" серо"на. Ил' янгаворна, ненэця" мюсьлабидо янгамдамби", навраха"на харвабцодо янгаворна. Ты пэртя, халядана" пэндъяха"на хусувэй таранадамдо хомби". Тарабата еся ханамда сулорць пирна, намгэ пират сенга нэдарамбидо.

Нобкана тасалко" махадандо фактория" серо минрена" вадам' мэ"наць. Леонид Вануйто Тамбейхана пэндъя ня амбада ма"нисяв:

-Мале танякуй похона тэв-

равы" балокадо мер тиворна". Хадхана минхандо тухурна. Та' е"эмня едэй пя' харад таняна сава нэнгу.

Владимир Стёпин, Пэ" няд товы, ма"нисяв:

-Хэвханана" нядэна" мя" нокворна". Сяхаринда ненэця" ма"лавы нодида, ватавы халэда мирдапа пирпата серо"на. Тикы нямна нани тасла сава нэнгусь.

Ямальской районхана нани, ноб" мэкад инудм[,] нёда". Таняна пондо суса "махад няхар" сававна манзарана факториям, тэраби.

Тасу яв' няна дизельнойханато'


мэта саляркам, тэмдаба округва, нядангурна. Таславы есяхат 40 процентрим, салдамби. Няби пелямда факториям ня амбада харто тэмдабидо.

Недбя, нямна лахана пэвандо, мальнгана ты пэрти" серо минрена департаментхана манзарана ерв' вадамда минханда хэвнякумна ханадась. Тарця тянё недбян, хибахарт манзара хэван, ни харва", надьбята недвопада есядо' няхар" пирувна нокамда тарангу.

Теда, нобт, тэвор, махадандо, тарем' тасладо', факторияха"на сава связь тара, тикым' няд"мяць ненэця" хуркари" тарана" серодо тидхаленгу". Я' нямна нани" серодо, сававна таслангудо, Нерцюбт, ненэця, факториям, набта манда пуд ямда няюнда пада пирнадась. Тикы закон ватом тамна тасламбангудо.

Округханана" 25 фактория манзара. Тикахат Ямальской районхана – 13, Тасу яв' няна -мат", Приуральской районхана -самлянг, Пуровской районхана – нопой.

падвы



Минрена серкандо замеды замеды

Тадри таны" нувона" тута". Сыранда холканаван, яха, ид" панангу". Та, ядембада нумга"на пэдара" парангасеты". Тикы, сер, марка, нюдяко хардаха"на илена" лэтёсеты".

Округханана" тарця" серк" хамеко пэяд". Илна" серо ня"амбада" пяванда" манзаидо таславыдонзь. Марад, нюдяко" харад лэтрамба пянгудо. Танэ хэ"мяхаданда хардо" хэвхы" иде"

нэся манэсарта". Хэвханандо, нэда" сехэры нани манэтыдо. Паранана ям, пэдари хабтабаванди, намгэри" серкат нядангода ненэцяндамдо ма павыць.

Тенкана саво" пэвам' нате". Мале сян харадм'- Тарко-Салем', Уренгойм', Овгортм', Антипаютам, лэтрамбангу. Мер, паромба манзаравандидо, хамеды". «Ямалспас» хад тарця серкат торомбэй" ненэця" манзарангу". Нокханда няхар"

юркад вата ненэць, нэнгу. Таддикахад сидндет ю" сидя и"мня мэ"манда" навэ", юркад вата" еся хан", тамна нани" намгэридо хамеды". Уренгой няби Овгорт хардо" хэвхы" еси" салабам' ерпа пявэдо. Сыня яха мюня 5,275 км пирм' ервы". Сие ниць иры, пудана яля, нэсонд, Пур яхам, 21 км, пирувна еруванзь тасламбидо'. Салаби" нонеро" таняб", тиртя нанохона тю"уд пендрембангудо. Манзаяндо

сававна надява е эмня беспилотник мэта".

Россияна" МЧС, тер" Округна" тарця серк' лэтрёвам' манэ "сармы". Небо хардо саволаравахад лэтравыдонзь. Юр" няхар" ю" си"ив пир" паранана ям' хабтавы".

Тарем' нули" сававна таслахая, таны", нарэй" нумгато хамеку".

> Руфина Окотэтто, падвы

Нули" сава яля

Нарка Санкт-Петербургхана тохолкода" мякандо нись ханас" харто яндо мэсы нёда". Хэвы си"ив яляхана мядото хэвняна сянако ялямдо мэ"наць. Тодо яхана тохолкоданэ нина" ты" хэвхана ядабтэйнаць.

Нэрм' яхад нэда" тикы ялям' натедонзь. Хэвняны я тер нись толаба, мат" ю" ненэця" Лининградской область няна мэць. Пыдо таняна манэ"мэдо' нока: Игорь Корнилов Ямал, нямна нэда сёмда мэ"нась. Нани" ныхыдарнаць, халям', намзам' наворнаць, тэхэ"на тадтангурнаць, хасава нацекы" ярколаць. Сёбар" сянакубцха"на пирибтяхарт" пирдырнаць. Ненэйвана ныхыдырма мальнгана некоця" нито' пуд нулъядаць. Сидто мание нани нидо сидя хэвувнандо, нулъядаць. Тёр" я"авлыць, хибяхарт выдараван нись харва». Ненэй ненэцянгат нопой илебей ненэцянзь. Пяко» яхад товы нява", Дмитрий хардахана вадёнавы нэбта нод" ярколабта нэдаравандада янгусь, тамна пирибти" тынзям' санорпа тохоламбись.



Якутия[,] тер, Гарпани Солинга, эвен товысь. Манэ[,]лабтамбавыда харта янда нямна нэда[,] намгэри[,]. Нули[,] нюрте[,] сём[,] мэ[,]нась,

харта янда мэбцо"мана ненэцие таралабтась. Сяхаринда ва"лей нэсеты.

Ямал, терхат «Едэй яля»

ансамбльхана мэна" ёльце сававна тараць. Пыдо' пон' хамекуць, надьбято' нод" тяхасовна пыхыдало' манэ"лабтэйлонзь.

Сянакова' ялямдо' пон' тенеңгудо', неноховавна таняна манэ"мэдо': ты", ненэй мяд. Тикысипой" ненэйраха нись ңэңгу". Тарем' тохолкода" мято' хахаялте", нока намгэм' тензибте", нидо' манэ"на". Хамедадо': пирдале я"амна сер" янгу!

Татьяна Сэротэтто, падвы

Едэй" мутры" сер

Сие ниць иры, юкад вата нюртей яляхана едэй, мутры, сер Светлана Ивановна Тусида ненэй, лаханако, нямна урокм, минресь. Сита нядабаданэ цифровая система МТС Линк, Нэрм, тер, серо минрена няби Тохолкова, серо тидхалембада департамент тараць.

Округна" тодо" марад", нюдяко" харад" школаха"на нацекы" нэрм тер" лаханако", ненэй вада нямна интернет мутрам няд ёнар" урокадо нась. Нокханда ёнар" самлянг юр" пир" тохолкода" нацекы" нянда инзелець. Запо-

лярье хардахад инзелена" таняць. Маня" редацияна" терӊэ тикахана ӊани' сырӊаваць.

Урокахана мэна" ненэй вади" хытыро, толырм' «Волшебное тучако» лаханако' сер' тохоламбидонзь. «Ожившие легенды Севера» лаханаковна ненэй ненэцие" ила' саирм', сюдбабцо, ярабц, сё, лаханако тохоламбиць. Тикы лаханаком' комикснэ сертавэдонзь. Небо' МТСм' няд"мяць Ямална" тодо" харад' библиотекаха" мат" юр" пир" книгы нэдаравыць. Тодо" нэрм' тер" вадавна пады". Толангован' харвана интернет' мутравна

«Строки» нюбета сервис сер электронной, аудио книгам хонгу. Нейроаватарм книга падта мавна серта пирта.

Светлана Ивановна уроканда нямна вадида тарця":

- Мань нюртей интернетм' няд"мяць лаханаваминзь. Ихиняни нули" сава. Теневана" нини", ненэй вадан' нацекы тохоламбада" инзелець. Пуна ханяныдо нянани телефонувна лаханакурнаць. Урокани нямна сава вади нядандо намдадамзь.

Тенкана едэй" мутры няд"мяць нурм тер" нямна нани" яхат нузда" ненэця" теневангу". Таддикахад тарем' илна" саирм', вадава" лэтрамбива".

Округна" тохолкова' серо ня"амбади" нэвахана мэна ерв Артем Тылик тарем' лаханавысь: «Едэйвана сертавы сборник «Ожившие легенды Севера» школаха"на ненэй вадам' пэртяха"на тарангу. Тохолкода" нацекэхэ"на илека нэнгу».

Тюку" похо"на тохолкоди" е"эмня хуркари" едэй" цифровой" мутры сертаби". Тикы" урокаха"нато тарангу".

Руфина Окотэтто, падвы

Нарка март[,] нэдалёрмы,,

Ямал, тер" нацекы" пудана сидя иры тохолку". Тадри, ныланава, ялэдо, пэнгуд". Юдимдей няби" юкад вата нюртей классаха"на мэна" мале нахакуд школа, пуд ханяна тохолковамдо, тасламби". Ханяны" мале тенева". Нанидо, тамна ибедорна".

Тохолкось ядамдо, тэраба сиддо, #Путешествие89 про- ектм, минрена, тид-халемби, Тикы, е, эмня мале сян по, ямбан, нарка марк, нэдабтамбидо, Нацекы, таняна тодо, институт, мана

ядэрна». Нарка харад» илам торомдамби».

Тандая, мат, юкад вата нацекы" Санкт-Петербург март, тэвавыд, Сиддо, тодо, институт, тер, ядабтамбавы. А.И. Герцен' нюмам' мэта Университетхад Валенкова (Вануйто) Виктория Васильевнам хонрамбиваць. Вадавнанда, сие ниць иры, сидндетимдей яля, Нэрм, тер, институтхандо, мядондидо мале натевыдо. Сиддо, няхар, янорэй, нэда тохолко хардандо, мюмня ядэлавы". Студент" е"эмнандо" тохоламбада" манзаидо ваде"мы".

Виктория Васильевна няндо тарем лаханавы: «Нока по ямбан сян илебей ненэця нэ тюку харад танцие мана танвакы. Сянок Нэрм тер иланганандо тараванда манзаядамдо тохолавакы. Понганандо юнета нина нока. Теда харто яханато иландо саирм, харе вадидо нерня минре. Пыдара нобтикы харвабцонда таняб, тохолкованзь тоида. Тодо нэрм тэнз нида торомдангуда. Тюкона сава теневабцо хонгуда».

Галина Окотэтто[,] падвы



Сайнормы" ненэцие" мяд' тер пюрнава"

Инзеледа»! Сайнорта» ненэцие пюрта» юнм, нэдарамби». 1941-1945 похо"на сайнормы" солдат" мяд' тер пюрна". Пыдо, фашистхат ямдо, нэдабавы, Маня, тюку яля, илевана" ед' ям' хэвхалмы". Юрнана" ни" на". Маси" мядото, тер, нидо, тумдангудо, Тикы, е, эмня тюку, вади падыбина".



Ляд Яленович Айваседо – ненэй ненэць. 1907 похона соявысь. 1941 похона Красной Армияхана мэвы. Ленинградской фронтхана 1942 поход хор" иры тетюмдей яляхад ява" лэтрамбавы. ВКП(б), тернэ таравы. Округна" военкоматхад сайнорманзь нэдаравэдо. Еркарада, нюмда, нани пыда нямнанда нэда" тарана" юн" ненадумда"мита падро" сер' пады". «Дорога памяти» нюбета проект[,] сайтхана (URL:https://doroga-pamyati.

org/) пыда нямнанда падвэдо'.

Сита армиян, 1941 похона пилю" иры сидя ю" нюртей яляхана хамэдо[,] Тикы[,] нерня «органы прокуратуры» манзаи минревы. Ленинградской фронтхана, 827 гаубичной артиллерийской гвардейской Невельской Краснознамённой полкхана мэбта сайнормы". Эстония я няна Таллин марадм, таңгумдамбавы". Сайнормам, Восточной Пруссияхана малевэда. «За отвагу», «За оборону Ленинграда» нюбета медальха, ня амвысь. 1945 похона Пяку" яханда тэвавыць. Самбургхана илевысь. Таняна мале сян по манзаравысь. 1979 похона сие ниць иры, 25 яляхана янгумы. Нюмамда Пяку" я Книга Памяти' мю' падвэдо'.

№ 08/н табеко сер 06.03.1944 похона 58-й гаубичной артиллерийской бригада, 18-й артиллерийской Гатчинской дивизия, прорыв, РГК Ленинградской фронт, разведчик, 820 отдельной разведывательной артиллерийской дивизион, ефрейтор «За отвагу» медальм' ня"мавы. 1944 похона яра иры, (февраль) 14 яля, «Нарва-Таллин» нюбета сехэры пелям тангумдамбавандо ёльцянгана товарищ Айваседо

я "авлада миномётной ту помна 15 минут ямбан ныддовы связь линия" проволоки пуня' центральной станция няю тинибтевыда. Нокханда сулормыда мат" проволока ныддома нэвыць. Тикы сер 1229 гаубичной артиллерийской полк нокханда няхар" миномётной батареям, няхар" харто' яхана нэда" миномётм' пендревы.

Нита нерняна саю пидебада 18-й артиллерийской дивизиям, 1943 похона лимбя ирыхына нобт ма"лавэдонзь. Красносельско-Ропщинской операция, нэва, мальнгана (14-30 января 1944 г.) дивизиядо Красное Село няби Красногвардейск (тенкана Гатчина) марк, саюхат таңгумдавы. 1944 похона лимбя иры (январь) 27 яля нэвахана мэна ервото падвы табеко' сер' дивизиямдо' «Гатчинская» нюмгана нюмдевэдо'. Дивизиядо, Кингисепп, Винпури (тенкана Выборг мар" Ленинградской областьхана на) марад няна, Карельской Перешеек, няна сайнормы" (1944 по ненянг" ирыхына). Прибалтийской (1944 по' вэба' иры' 14 яляхад нюдя пэвдей, 24 яля, нэсонд,), Млавско-Эльбингской (1945 по наступательной" операцияха" на мэвыць. Насельск маркад саю пидебавыць. Германияхана Восточно-Померанской операцияхана (1945 по яра иры 10 яляхад сие ниць иры 4 яля **нэсонд**[,]) Руммельсберг, Кезлин, Грудзендз, Штольп, Нойштадт, Гдыню (навнандо Германияхад перевы" харад") хардо" няна сайнормы". Берлин марадм нани, сюртембавэдо. Та, мальнгана дивизияндо тернэ юкад вата няхар" Герой Советского Союза ненадумда"мам" мэта" таравыць. Ляд Яленович хавна тикы дивизияханандо, Липчи Абаневия Ядне мэвысь. Пыда Ямал, тер. Нарка муно тэволана батарея, 820 харта яхана нэда артиллерийской дивизион, РГК телефонистнэ таравысь. 1944 похона ты" саполана иры[,] 11 яляхана «За отвагу» нюбета медальм' ня"мавысь. Нани, нопой телефонистнэ ненэй ненэць, Ефим Иванович Салиндер тикахана таравысь. «За отвагу» нюбета медальм[,] тикы похона ня"мавысь.

> С.В. Шулинин, падвэвна Руфина Окотэтто, ненэй вадан, тэвравы,

(Нердена пеляда 1 стр. на)

Панаевск, Салемал, Аксарка хардаха"на нани мэць. Таняна сиддо нобтикы ёльце натевыць. Ханярина «парад»м' мэ"наць. Школахана тохолкода" нацекы лаханако ня"наць. «Северная кавалерия» фильмам' манэ "лабтамбиць. Сайнорма" похо "на нэрм" тер" таром' ха"аврамба"мам' ваде" наць. Нацекы" нядандо хонарковыць: «Хибя тарця серм' пясь тасласада?»; «Буранада" тахангаса"?»; «Миманда" сер' хурка сармик

ОБЪЯВЛЕНИЕ ВРЕМЯ ДЛЯ ВАЖНЫХ РЕШЕНИЙ 000 000 300 000 ей единовременно на Ямале

Нока ям' сюртевы

манэцада"?»; «Тамбир ямб мюн ханзер" хамекосада"?» Экспедициян хан"мы тарем лаханаць:

– Ямална" тингывна 1600 пир" луца нэдалавам' пирдалева". Сидя ю" снегоходм' мэ"нава". Тэхэна нэдалёдава" юкад вата си"ивась. Нокханда округна" самлянг районхана мэва". Сидя тонна бензинм сад"нава". Мат" мэва" тахангава". Ненадо серкана мэвава" ёльце саву"нава". Нарка Сайнорма нока ненэця илам маядась. Сяхари нод нацекы" сидна" тотрев' тикым' тенеб"нандо таранив".

ЯХАНДА ТЭВРАДО'

Сие" ниць иры, 16 яляхана Пэ" хою" няюд муно намдаваць. Ноб" пуд вэнгалё снегоходха"на няби нарка машинаха"на минда", тэхэ"на нэдалёда" тоць. Минрена няръяна лабкадо сиддо янга пуномдамбись.

Салянгарад, тер, нахакуд натенаць, ненадумда"мам' ня"муванзь хамэдыць. Победа' паркхана Волонтёры Победы тер", хуркари" общественной" организацияха"на мэна", ерв" ма"лыць. Ма"лёвы" понгана ненэй ненэциена" нани мэць. Пухуця, вэсако, илебей ненэця, нацекэця" мал" тоць. Ноб" тута тун' намдэдо тэвраць. Мунзипой" нуць, сайнорма" похо"на янгумы нидо, тензибтембиць.

Победа, наръзна лабак тет ам, сюртесь. Иры' ямбан' ханяри' тэворнась, нока ненэцям ма пась. Ненадумда мам ядэлавы нэдалёрмандо сер манэ мэдо, намдавэдо нани нока. Тикы иле мидо тамна янга падарт' падва то"олха".

Саць тарана серм' Россияна" Ты пэрти" Союз надимдедась, округна" нэвахана мэнахад еси" няд"мам, нэкалнась. Нарка ервдандо таранадо Михаил Яр тарем лаханась: «Тарця акциям нивы нэбна серта», ненэцие хамэда нинаць пират". Яна" ханярина сайнормы" иринадо сававна тенейдо, нямнандо нэда иле мидо лэтрамбидо. Нюдяко" хардахартаха"на нобт ма"люрнаць, маймбиць».

Ты пэртя", халям хадабада", ханена" невхы" похо"на ёльце няданговы". Мякадандо' намзи, халэ, тамна нани" тарана" наво нэдарамбавы".

Салянгардахана Победа, Знамям, ява, лэтрамбадан Борис Шушакован ми надонзь. Пуна тамна, тяха, И.С. Шемановской, нюмам' мэта музеян' митадо'. Таняна лэтамбангудоч. Таддикахад сайнормы Ямалч тер" нямна книгам' падангу".

Анна Яптик, падвы

м 16 2025 по Апрель иры 19 яля «Няръяна Нэрм» недарма ина падвы

Сие ниць иры, 19 яляхана газетана, 94 поданда ханда. Тикы, няю, е, эмнянда, невхы, нарка, нина, падвы ма"лаваць. Ханянына" наха"на понгадана" хаяць. Тарем, нод сидянгаха"на мание сейха"на" лимбикавна ха"морна". Толахана", намгэ нямна паднавы", хибярим теневанамда" манэ"тада".

1931 NAR JANA JORM 1949 НЯРЪЯНА НГЭРМ TO' Tapus НЯРЪЯНА халям па ля промы

CIBR BRADAN Manut of Дорогие друзья!

От всей души поздравляю вас с Днем ямальских СМИ!

социалистической обя- пирдырма

Вы – творцы современной летописи Ямала. Кадр за кадром, слово за словом создаете многогранный и живой портрет нашего уникального арктического региона. Ваши материалы не просто отражают события, они рассказывают истории о людях – об их ежедневном труде, смелых мечтах и искренних стремлениях, любви к своей земле. Сочетая традиции отечественной журналистики и активно осваивая современные технологии, вы создаете по-настоящему качественный контент, который смотрит, читает и слушает весь

Особую признательность выражаю за ваш вклад в сохранение и популяризацию культуры коренных малочисленных народов Севера. Ваши материалы помогают бережно хранить традиции и обычаи, передавать их новым поколениям. Спасибо за вашу объективность, профессионализм, талант и новаторство!

Желаю вам крепкого здоровья, неиссякаемого вдохновения, творческих успехов и новых интересных проектов!

Губернатор Ямало-Ненецкого автономного округа Д.А. Артюхов

> Уважаемые ветераны и работники средств массовой информации Ямала! От всей души поздравляю вас с профессиональным праздником -Днём ямальских СМИ!

История ямальской журналистики берёт начало в 1931 году с первого выпуска окружной газеты «Нярьяна Нэрм». Именно тогда был заложен фундамент региональных СМИ, ставших голосом народа, хранителем культурных традиций и летописцем эпохальных событий.

Сегодня СМИ Ямала – это огромное сообщество профессионалов: журналистов, редакторов, операторов, блогеров, которые, сохраняя преемственность, осваивают новые форматы и технологии. Освещение социально-экономических проектов, поддержка законодательных инициатив, внимание к вопросам коренных народов и их языковому разнообразию всё это делает медиапространство Ямала живым и многогранным.

Особые слова благодарности ветеранам отрасли, которые стояли у истоков становления ямальской журналистики. Их мудрость, преданность профессии и желание найти истину стали примером для новых поколений.

Желаю всем неиссякаемой энергии, творческих идей и новых профессиональных высот! Пусть ваши материалы всегда находят отклик в сердцах аудитории, а работа приносит удовлетворение и гордость. Крепкого здоровья, благополучия и уверенности в завтрашнем дне!

Председатель Законодательного Собрания Ямало-Ненецкого автономного округа С.М. Ямкин Тазовской халязаводахана

лям хадабада' ненэця' сыра ёльцянггана Тазу яв нявхана салаба нгыламна халям хадаби. Тамальнггана Двух чумов бухтахана халям хадаби, Хальмер'-Яха няна халям хадабн'. Тюкона тамна тикы хавна нгани нюдямбой яха таня. Тюкона халям хадабада пайхам, палкурм, тамна нгокари халя тэнзм сававна хадаби.

Тюку сыра Тазовской районхы ненэця салаба нгыламна халям хадабавам саць сававна пядонзь. Халя нгока нгэва пангом таросипой нидонзь нгэдара. Салаба ханиво махад халям хадабада брига да' минхандо' халям хадаба пэйдаць. Манзаямдо сававна минревандо' нид, манзаяндо' таслир' сава нгэва нид пыдо сава серк' тэвыдаць. Халям хадабада' ненэця кварталхы планамдо сидя янгорэй ваць томдадонзь.

Ненэсямбой, тюку по халям ха-дабава сер сававна мингаць. Манзаяндо' сававна мима тамна нгани серев нга, манэкарт, халям хадабада звено тюку по нгарамдавы, хусувэй звенохона 10—12 ненэць. Тикы нерна халям хадабада нгоболад халям хадабиць, звенохо'на сянамбой ненэць нгэсяты. Нгокан-

нар

ара-

Ka.

xa

на

illC(a"

IF3BLa-

DO. IP-

HLSP1

зи са

авав

rapa.

ром сертаби. Пыдо' сававна манзарани' манзарабцом манзая таро ламби, манзарабцодо савав-

на минга. Нердена кварталхана нгока халям хадамандо нид кварталхы, похы планамдо сававна томда пир-

Тазовской районхы ненэця' сыра ёльцянггана халям хадабавамдо саць сававна минредо'. Пыдо' Тазу яв нявхана халям хадабавандо хавна, хой ний тохот, яси мюд нгобтарем нгокавна халям хадаби. Тикы планм томдава няюв нгарка таром сертаби.

Ненэцие понггана сямянхат сававна халям хадабада ненэця таня'. Тикы Лапсуй Михаил, Тогой Олекучи, Яунгад Ханзи минрена звено'. Тикы звенохы ненэця' хунариндо халям нгокавна хадаби. Пыдо' енаркад вата центнер халэ ха даць. Пыдо' няндо таславы плач надо саць сававна томдэйдо.

Халяхад нгаварм сертабава нямна Тазовской район нгобтарем сававна манзара. Пыда халяхад нгока нгаварм сертаби. Пыда похы планамда сававна томдадась. Пыда ненэцяны няхар енар центнер нгаварм ми'нгась.



* Ты пэрма

Нарэй яхато мюселъяд

пэдара пармыч. Тыш хадоч холкана пэяд". Округана" ты пэртя" сывы мэлвахато мюселъяд". Тазовской районхы "Антипаютинской", "Тазовской" совхозха, таддикад Гыданской халя: завол: ты пэртя: Итя Набтеня яв' няюв' пядоч. таняч миндяхандоч суюдо надибелангуд

Пэдари няна илена нидо наха" мюсе ни" пэр. Хуркавна нод нобтарем нарэй ты пэрмахандо хаме-Еръй яхад переня ноб' ты нэсым Салиндер Петр Антикович нячамбида. Саля явм сятаняюв нэсыда нидя мадангу. Та пэдара понгана ханяцей ханзо

дымской районхана % дей хардахана ты пэрт ма"лыць. Петр Антиков нока тарана вадам сомо

Тю "уй сидянгахана С линдер П.А. хасава нюв Владислав ня ти талтел хач. Няби сидянгахана п до торомдавы не талы Н.Федоров

пядоч Яхандо

Тюку сыра Ямал няд харто иленя ненэця тыдо нобт мала махадандо едэйвана вэнгаламбада еся сехэры хэван тэврэйдонзь. Сывы тецьди Пэ Хой тэлхана мадэйдонзь. Ервотадандо таранадо Окотэтто Хуко Омдювич, няби Тусидо Олег Иванович сававна ханенаханзь. По тидхана самблянг сармикм хадавэхэнзь. Тадди-

кад хуркари хардаха" тэвормыць.

Нув нарэйма сер Ямал тер" яхандо пядо. Таня тэв"махадандо намдавэдо', манэ"мэдо нока нэнгу. Тюку Х.Нямбара тадтавы сидянгахана маниенара" Тусидо Олег Иванович. Нерня мэтамда сяндамби. Наха нэдалаванда.

> Х.Сэръяламдик падвы. 1998 по



Нацекыдо: харто: тохоламбидо:

Тазовской районхана Халмер Седе: - Тазовской: нарка харад. Район ерв мал" тикахана иле", манзара". Вынгана илена ненэцието ню интернатхана сыв' мэсь пэрна". Нянандо манзаранадандо нобтарем Нэрм тер ненэця тара". Ханяныто юнадо округахана" тэворна".

Екатерина Петровна Корзун мале нока по" ямбаха" нацекэхэна" манзара. Харта пыда нод ненэй не. Тиканда вадидо нацекыта ня" нобт тэворна". Няби не нюмда Вера Александ-

ровна Саблина. Нацекыта ня" ненэй вадамдо тохоламби". Ханянэхэна хар-мяк" ядэрцеты". Пыдо нармы ненэцянгат" невхы илеми" намдасеты". Вэсакохо", пухуцяха" нацекы" намдавы лаханакудо, стихотворениядо ваде цеты. Нанидо сё мэцеты.

Тюку А.Ламдо тадтавы сидянгахана маниеняхаюта" сятанянэюм Е.П.Корзун, хэвхэда В.А.Саблина.

Х. Нямбарач



И. Сычов тадтавы сидягахана ты пэртя ненэцям' аниеда. Пыда ситя Алек- нану — нянда, мунганда ы'. Еркарада Худи,

яхаромдэй. Савовна ман- сламбасетыло. Тэри мунаяараванда е'эмня сельской хавя, нопой яхад цатенахаэяйства ияд заслужен ва — цыланд цамгэхарт хая деятель пэробцам виз' рта нэсоханда вуни тут'! высь. Тиканда ты пэрма ркана А. Х. Худи нарка

профессиональной ской ССР Пряживо

«Ярсалинской» совхоз'ты ненэцяну толы Хасава повэртв' пенэця' мюеярцьёдо дя тохолкома хаданда тамнидо юрыбю: Хусавэй по на тяха Тюмень маркана сер харто няндо таславы сельхоз институтая тохолко яхавато' вле пэрца'. Сыра пэяць. Нисявда тотрев цанлесь сло таня, таны пры- ин тэхана манзарацгу. Хахана, неняцг, пилю малян- робта доб тарем дарка еркана, исвор, пила жалин роста дос торсы дарка ср гана яв' хэээл сацегы. Те- ванэ ханданахы. Хыбя те-да мале ты изртя суюнда- нева: харобта совхози пузва яхэто паромби. Пуна дэхата на амангодакэда? гикандо' мары помва вуни Тарем нисям пыда Андрей Худи егри перняку миная. Нита мэта илам' несэймда-

вада набцата сава андр Хасовичувна пэрце- пида етри инзелесеты. Ха-Твканда хавна нысы ер- Александр Хасович ет лаотвија тара Бригаданда — ханасеты Намгадо вава ясында толыр' юкад вата побанзер' пысыханандо' та-M. OJIEHEB'

падаы.

да не. KOJIчёной',

CTH-

Kyp-

юбета

ович Coioa'

10-Фин-

Сие ниць 3-4 яляхана Тазовской районхы Антипаюта хардахана ты пэртя" хэбидя яляхандо ма"люрнаць. Нидо манэ"манзь сяни" я тер" ненэця": Нэдя тер", Хальмер" седе тер", Ноя тер" турнаць.



Нердена яля ненэця лекар мят' ханнаць, школавна ядэрнаць, клубахана концертм, маниець. Тикы хавна хубтахад яха салабахана сёбар" ныхыдо хорпиць: тюрм' яркыбиць', таро"наць, ныхыдырнаць, хано санарпиць. Тикы" сянакова" - невхы илангад таняна" пирдырма". Я Навна ненэця" ялянда тю"укуна хэ"мяхад нито, мядо"мана нэдалёрцетавы". Не" лидянг", мадавы" паныдо серота", хасава сэр", падвы" со"окадо', мадавы", сиби падрота" пибидо серангу". Ханодо, нобтикы падтавы"



Паюте"э салаба ниня

нэсетавы": еся юсна", сеңга" нэдалёвандо сер тэри сяхарангу, ной масьредо тэри худырта". Хасава хананда нерняны тёндер ядхана нэхыдырця пяда пили" танявы. Нэдалёрманда сер хибям ядабтаб нанда, ныхыдырцянда пям нэкалта. Мякана нани" ненэця тыто товам нате", паллада тюрм яркыбангу",

нынхана хайдырта", тарота". Ней едэй сэдвы" паныдо няхато манэ"лабтамбавы". Тюку илангана ты пэртя" невхы иринато, хаданато илам нидо юрыбю", нобтикы нара няна мяктато хахаяда хардахато нобт ма"люрна".

Нябимдей ялям ненэця саць натедонзь. Хасава хубтахана



нахакуд нертенгурць мэ"манда ханодо подерпиць. Не нобтикы тыхынаць: пыдо' едэй сэдвы" паныдо манэ лабтамбиць, тикы хавна, нэдалёсь нертенгурнаць. Яха, салабахана паромдэй, нина хамбкы лабцие" нылна няхатато ва"лёйха" ми"манда" нуда тер" пон ниць ну". Сцена, нина хынота" хыно"на", тарана" тара". Пили" нерде не нертенгурнаць. Нита" нерна товы – Ядне Софья. Хасавахат няхатата ва"лёй -Лапсуй Эдуард. Сава ярколана – Тибичи Муслим. Ныхыдырця, пяхана ва"лёй – Худи Лев. Тароць нида выдвы – Худи Сергей. Няхатата сямян мел" не – Лапсуй Анастасия. Пыдо мал снегоход ня "марнаць. Мякато едэй еся ханхана нэдалэйдаць.

Тарем' яханана" ты пэртина" сянакова' ялям' мэ" наваць. Нани' пондо' нэсонд' яна" тер" тодо" ян' нэдалэйдаць.

Эмма Вануйто, падвы



Нэдм' чед" нешай" нашки" мыдан номаш". Надтана нашки" Пуровский районхана найта общественный движении КМНС «Ямал — потомкам!» номтадяташ, молодёжный Совет мансдям минденататун тэдамантун мэт. Мансданна" надтана нашки" камна, Тадкахай школа-интернатхана, колледжхана тоходкота" нашки" мыдан тонаш". Недьня надка нетун мунунаш".

Нэдм' чел" нешай" дет тондюта управленин ведв Маргарита Маслова, Пюд дяхана найта ассоциацин «Ямал – потомкам!» мансдям миндена Светлана Пяк, молодёжный, политикан дет найта управленихина мансдана Марина Окотэтто нашкехэна" мунунаш". Чуки ноптухуна надтана нашки" чупей дусан ватам чедимяна", кудкади" мансди" дет тоходкошту", шанат намыдю" тоходашту". Тадям четан пы'тоң нетуң нятапёш недьняң ха'матуң тада. Шедтаванта хома шед" нука". Намыдим пяпнантон нуп вин ка"модыш, нокна тасдахадяш шедташтондятун. Нидинатун, катанатун миндемы дидивсум, ватам дэтдампюты", таньдет кудкади" проекту" шедташтоны". Тадям молодёжный отделенинтун мансдям миндевнтатун хомана вивинтодыш тэданаш".

Мансдетон нука"


Чуки похот ассоциацихина «Ямал — потомкам!» найта надтана нашки дет тондюта молодёжный Совет председательнэ Андрей Вэлло мэны. Андрей Вячеславович дёдьше чидьний, вивнутута, нешан, Пуровский районхана найта Ямал-спасхана мансдана. Чикин камна спортсмен, дямалана нешан, шита нашки нета чупей чедимяна". Молодёжный Советхана мэна

нета" манаш, чики мансдямта Андрей пидтаната. Пытон нямтон няташтоннатун". Тат недьнян намыди" мансдетон" нокна шедташтондятун". Нашки неша" шедтавантатун мансдетун нука". Пытун шедтамайтун найватахататун найты молодёжный Советтун хомана мансдама.

Андрей Пяк патмы



Нешан дил ⊲о



Ноб" хасава тет хабтм' мэць вымна нэдалы. Нерняри, мина, сидя нямна ни сыр". Намгэ ёльцянгана ехэрана" ё" няю, тэввамда хамеда. Ёховамда индя нылмна таслада. Тамна нерня пяда. Яля пэвсюмзь ханамда сяра, тыда нобт, сярокая сыра, вангм, сертахая хананда хэван, юсибтэй.

Сянри хунат хонёвакы, немада хая. Нули" ханимы, тэри ледре, нэда варета тай' высылтэйда. Мале яля, пэвсюмя, няны, тарем' нод" сидя няна нэда я" савовна нади". Тарем' сырманда сер' я' нылад сыри" понгад надиберта халкоцям манэ на. Тарця манэць идя нули" савума, ту' халкоця' няю' пяда. Харта серката тарем' лахана:

-Тедахав, ненэцие, понд, тэвнархадамнё. Нота нод" ядембада ту' явон' тэвангудм', нортадм'.

Парондэй, хэван, тэвы, ту, якэ таняд надиберна. Сыра, нылад ненэцие" вабц намдорна. Ханамда сярада, харта сыра

ванг' мю' ныльня' пакалъй". Тад савовна сылаванда сидя нем' манэ"на, туди' пяты, пад' ниня' ед лохомби, намгэхэв пина. Мяд' мюй нули" пэби, теци, сидя нехэ, сядоти, хабя сабе ни надю". Сядоди намгэхэв нэлсуй" тохэ"кана синды", нянди, сыраць пинкабтыхы, Намгэ, ёльцянгана няби не няханда ма:

 Нявэ, мят[,] хибяхав тюняраханё! Едар" мале ни пи", ненэць навла нив тара"!

Няби не минханда ед, мюня пинна намгэ хулцупа пя, тиканда набт палеита янгу. Тибей", набтета" навэ пирембавэхэч. Наркаюм, пухуцярка не хасаван, вахалъй", мунота сабе хамедито янгу:

– Нынта, ва"аван намдада"ма, теда' нивам' норат".

Тарць" ямбхана сядоти хабя" хамедито' яңгу, паныди' ңули" нэлсуй", пелдо лэбта". Вэвако, пур"яха набт няданди, мина. Хасава лакри, индя нут надимя, ханя, тэввамда хамедада. Нехэ, ня тарем ма:

тамини тюкона нянанди, сенгангудм'.

Тикы вадита пумна минханда я' ванг' мюд пин' санэй", инямда нэкална, хэвня нэдалэй". Индя нылмна хальмер" понд тэввамда хамедада. Тад савовна манэ"манда сидя не" хальмер" яхана сюрвы". Хасава сян яля ямбан, хальмераха, хэвхана хонё "мяхаданда талеревы". Нота нод" сава индя нут ту нив", ханяна мэвамда хамеда нидяв".

Ялэво"махаданда ям' таслада, намгэ, пират нэдалёдаханда мята хэван, тэвы. Хальмераха, лаханако нясо"мамда мякнанда серота сер' няхата ваде"нада. Надьбята ханзеркарт вуни хань", талир" сита нёда вуни" ту".

Илеваханда маймба нида тым, хада", хальмераха' сита сян нива нёдава е"эмня тэнда нэвам' яля' паделава' ныл' модо'.

Ти, ёхоборта хасава мэ мы ил. Хальмераха, няна нораць намдвы нэбта, сян нита понд, мята терха" иле вунися тут".

Раиса Яптунэ, падвы



Нэдалёда, сё

Нэдалёб"наней Сидя ханзамей Мэё парандэ"ей Нодэй хосейтыдей.

Тетэй хабтамей Тетэй падавэмей. Няндо, тебасенэй Тюрэй хаюнадов.

Нэдалёб"наней Ямбэй сехэрэнэй Сехэрэ"ей мюнёв Хынокосетыдэйм'.

Тетэй хабтаней Хабто нямдэй нинэй Нярьяна яля Сэвэй намдэйсятэй.

Яля, сэв

Яля, сэвкоко Си"ив нэбтотана Нэрм' яна" сейм' Пыда юдабида. Сыра, ёльцьнгана Сята надимбата Яля ямбумзеты. Нэрм' яна" тер" Хаеракоцян' Нули" майсеты". Яля, сэвкоко Нуво" сёрхана Писавэй, яля Пили" сюрсеты. Яля сэвкоко Сэр" паным мэць Вы' хой' нина Пыда нэдалёрна. Хаерад, не Си"ив нэбтотана Хой, сюмо, ни, Нани, надиберна. Нэрм'я тер" Хэнобтамбанадо. Сёто харахана Пыдо ваде надо.

Хад

Си"ив ямб яля Хад ладыбида. Ладванда сер Ну выярпида.

Пи" малхана Пыда выварнанё. Мяд, хуркохона Тэри хыно"нанё.

Хад, харта хад, Таня хыно ная. Нарка мяд' мюня Маня" иле"нава".

Еся хор, мюня Пя" морёмбинё". Паё" пэдюна", Пина" ядембинё".

Труба, си, ивна Татуко" лэирна". Пихий яляхана Хадко выварна.

Нэрм' яна" мяд" Мэёвна паллы". Сарё нумдо янгу, Мерця нумдо, янгу.

> Надежда Салиндер, падвы"



Тюку илангана харе" илна" саир", лаханакуна", невхы сёна" нарка Россияна" ила саир" пелянэ толы". Тикына" лэтравана" е"эмня хуркари" серо тидхалемби". Пили" нерде, нобт, ма ламбидо,. **Надьбято' тарця" серо теневана" Нарка яна"** тингывна нэдалёрна". Хэвы си"ив яляхана тарця ученой" яхана" тэворнаць, Ямална" тингы харда"мна ядэрнаць.

Сидянг»: О. Гизатулина тавы Пыдо, мале Салянгардана" хавна Горнокнязевскан, Аксаркан тэвормыць. Вынгана илена" ненэй ненэцие" ила саирм манэ сармы. Тикахана ненэцие" лаханако, сё, ярабц, сюдбабц, иле"ми ма"ламбавы", мутран, падыбавыдо. Серодо, минренанэ Оксана Эдуардовна Добжанская таравы. Пыда

Арктической государственной институт нарка ученой. Пуна Тюменской областян хэванзь тасламбидоч. Таняна сие ниць ирыч ямбан мэңгу". Таняд Татарстан, Адыгея, тамна нани ё" няю пянгудо.

Тикы" учёной" нина" 2022 поход небой по' нэсонд' нокханда няхар" ю" си"ив янорэй' ханяримна ядэрмы". Тарем нэдалёрць мале нока нани тэнзм' мэта" ненэцие" ила саиро манэ"мы".

Ямалханана" экспедициям, нерня, тидхалембаданэ тодо" тэнз" ненэцие" ила саир минрена хардана" няби В. Д. Поленовм' нюбета Россияна" Государственной намгэри сертабюлва харад манзарана тара. Таддикахад намдавыто', манэ"мыто' нямна кином' сертангу". Сяхари манэ тына".

Руфина Окотэтто, падвы

Намзам, нокавна ми, ме, ме

Небо, ты пэртя, 3271 тонна ты, намзам, хабармыць. Тикэхэт 1191 тоннам, харто, тыдо, лэтамбада, ми, мэдонзь. Нокханда няхар" ю" мат" процент, пир". Тамна, тяхакуй пон таслаб, тикэр нока. 2023 похона 881 тонна, няхар" ю" нопой процент нэвысь.


2019 поход пясь ты, намзам, мипада, нокамы". Сяхангав' 172 пир" нэвы", теда' 1050 нэсонд тэвавыд. Небой по хабарталва ян Андрей Вэлло нокавна намзам ми мысь, ми"мыда 35 тонна нэвы". Пыда хавнанда Алексей Пяк няби Альберт Лапсуй 31 тонна пирувна тэвравэхэнзь.

Таддикахад харто индо сер мирдангурта,

КФХа" ня "амбада" сававна няданговы". Нерняна мэнито, нюв, ти,. Сюнску Пырирко КФХ ня "амбада 93 тонна пир" намзам ч мирда"мысь. Антон Тайбери 63 тоннам' тавы. Егор Лаптандер тэвравы" 34 тонна

Ты пэрти серо тидхалембада департаментхана манзарани" вадавна, ты пэртя" тыдо, нокавна хабарманзь тэврамбидо, Тарем' есядамдо' недвопи". Тюку по 3400 тоннам, надимде тасламби, Тикым, нахакуд помнандо ваде надо, падродо нани хамэдамбидо.

> Анна Яптик, падвы







ΗГ

Хобцоко": Татьяна Сэротэтто сертавы"

***************	*******************	**************************

Газета «МЯЕЗНА НГЭРМ» Главный редактор Яр Марина Тэтакучевна

Генеральный директор АНО «Ямал-Мелиа» Зулинова Марья Андреевна

№ 16 Подписано в печать 17.04.2025г. Вышла в свет 19.04.2025 г.

По графику: 16.00, фактически: 16.00.

Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708)

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, XMAO-Югре и ЯНАО от 19 апреля 2012 года. Регистрационный ПИ № ТУ72 – 00559

Тираж 3600 экз.

Заказ № 0447 (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунянца, д.1, каб. 106

Фактический адрес: 629007, Ямало-Ненецкий автономный округ, г. Салехард, ул. Чубынина, 39А

Газета выходит по субботам.

подписные индексы: на год – ПА701, на полугодие - ПР562.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО, г.Салехард, мкр. Богдана Кнунянца, д1, каб. 106 тел. (349 22) 4-53-32

E-mail: nn@yamal-media.ru